

Հավելված  
ՀՀ կառավարության 2021 թվականի  
ապրիլի 22-ի N 633 - Ն որոշման

## **ՀԱՄԱՁԱՅՆԱԳԻՐ**

### **Արցախի Հանրապետության կառավարությանն աջակցություն տրամադրելու մասին**

Հայաստանի Հանրապետության կառավարությունը և Արցախի Հանրապետության կառավարությունը,

կարևորելով 2020 թվականի սեպտեմբերի 27-ից Ադրբեյջանի Հանրապետության կողմից Արցախի Հանրապետության դեմ սանձազերծված պատերազմական գործողությունների հետևանքով Արցախի Հանրապետությունում գոյքային վնաս կրած ֆիզիկական և իրավաբանական անձանց աջակցություն ցուցաբերելու նպատակահարմարությունը,

ստորագրեցին սույն համաձայնագիրը հետևյալի մասին.

### **Հոդված 1**

Սույն համաձայնագրով Արցախի Հանրապետության կառավարությունը ստանձնում է պարտավորություն՝ հաստատելու միջոցառումների ծրագիր, որի նպատակն է աջակցել Ադրբեյջանի կողմից 2020 թվականի սեպտեմբերի 27-ին Արցախի Հանրապետության դեմ սանձազերծված պատերազմի հետևանքով գոյքային (այդ թվում՝ գոյքային իրավունքի) վնաս կրած ֆիզիկական և իրավաբանական անձանց:

Սույն հոդվածի 1-ին մասում նշված գոյքային (այդ թվում՝ գոյքային իրավունքի) վնասները չեն ներառում բնակելի անշարժ գույքը, ինչպես նաև բնակելի անշարժ գույք ձեռք բերելու նպատակով ստանձնած հիպոթեքային վարկերի պարտավորությունները և բնակելի անշարժ գույքի նկատմամբ այլ գոյքային իրավունքները:

### **Հոդված 2**

Յուրաքանչյուր տարվա պետական բյուջեով Հայաստանի Հանրապետության կառավարության կողմից Արցախի Հանրապետության կառավարությանը հատկացվելիք միջպետական վարկից մինչև 10 տարի կնախատեսվեն տարեկան մինչև 10 մլրդ դրամ դրամական միջոցներ, որոնց հաշվին կսպասարկվեն սույն համաձայնագրով սահմանված՝ Արցախի Հանրապետության կառավարության ֆինանսական պարտավորությունները:

### **Հոդված 3**

Արցախի Հանրապետությունում գույքային վնաս կրած ֆիզիկական և իրավաբանական անձանց աջակցության ծրագրով նախատեսված նպատակներով Արցախի Հանրապետության կառավարության կողմից թողարկված պարտքային փաստաթղթերի պայմանները չեն կարող լինել Հայաստանի Հանրապետության պարտատոմսերի պայմաններից առավել բարենպաստ և հանրագումարային արդյունքում չպետք է գերազանցեն սույն համաձայնագրով նախատեսված ընդհանուր հատկացման գումարը:

### **Հոդված 4**

Սույն համաձայնագրի շրջանակներում աջակցության ծրագրերի վերաբերյալ Արցախի Հանրապետության կառավարության կողմից եռամսյակային պարբերականությամբ Հայաստանի Հանրապետության կառավարությանը ներկայացվում է հաշվետվություն:

### **Հոդված 5**

Սույն համաձայնագրի դրույթները կարող են վերանայվել և (կամ) փոփոխվել Հայաստանի Հանրապետության կառավարության և Արցախի Հանրապետության կառավարության փոխադարձ համաձայնությամբ: Այդ փոփոխությունները կձևակերպվեն առանձին արձանագրություններով, որոնք կկազմեն սույն համաձայնագրի անբաժանելի մասը:

### Հոդված 6

Սույն համաձայնագիրը ստորագրվել է Երևանում 2021 թվականի ապրիլի----- -  
ին՝ երկու հավասարազոր բնօրինակով:

### Հոդված 7

Սույն համաձայնագիրն ուժի մեջ է մտնում ստորագրման պահից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Ա. ԹՈՐՈՍՅԱՆ